

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Mamer, den 18. November 2020

Här President,


sou wéi d'Chambersreglement et virgesäit, bieden ech lech, dës parlamentaresch Fro un den Här Minister fir déi öffentlech Funktioun weiderzeleeden.

Zënter e puer Joer gëtt net méi verlaangt, datt am öffentlechen Déngscht jiddereen déi dräi administrativ Sprooche vum Land schwätzt. An enger ganzer Rei vu Gesetzer sinn Dispositiounen geholl ginn, déi et erlaben, mat Kenntnesser an nëmmen enger oder zwou vun deenen dräi Sproochen, beim Staat ze schaffen.

An deem Kontext wéilt ech dem Här Minister gär folgend Froe stellen:

1. Kann den Här Minister der Chamber eng aktualiséiert Lëscht vun alle Funktiounen am öffentlechen Déngscht schécken, fir déi net méi verlaangt gëtt, déi dräi administrativ Sprooche vum Land ze schwätzen? Kënnen op där Lëscht och d'Karriären an d'Verwaltungen präziséiert ginn, fir déi dës Sproocheregelungen gëllen?
2. Wéi vill Leit sinn am Ganzen op dës Plaz positionéiert ginn a wéi eng Nationalitéit hunn dës Leit? Kann den Här Minister opschlësselen, wéi eng vun deenen dräi administrative Sproochen dës Leit jeeeweils schwätzen an op wéi engem Niveau?
3. Ass d'Regierung grondsätzlech der Meenung, datt den öffentlechen Déngscht zu Lëtzebuerg an éischter Linn soll lëtzebuergesch sproocheg sinn?

Mat déiwem Respekt,



Fred Keup
Deputéierten